

KANADA

NUNAVUT

INUNGNUT AANNIAQTAILINIRMUN MALIGAQ, S. Nu. 2016, c. 13

**MALIJUAJUQ MIKHAAGUN NUNAVUT AVATILIRINIRMUT KATIMAJIIT INUNGNUN
TUHAQTIDJUTIT**

MITTIMATALIK IQALUILLU

TALVUUNATTAUQ:

- A. Minista Aanniaqtailinirmun uqariiqtuq Inungnun Aanniaqtailinirmun Qilamiurutaujuquq atuliqtumi Qiqaijalirvia 20, 2020 ilitturipkaiyumaplutik COVID-19 qalagjuarniq hiamitirnia, nutaanguffaangniagungnaqhijaatlu una uqariijaut naataraiqpat (14) ublunik hivituniqaqtumik Inungnut Aanniaqtailinirmun Qilamiugutauyjmud;
- B. Malikhugu ilangani 41(1) *Inungnut Aanniaqtailinirmun Maligaq*, Atannilluaq Inungnun Aanniaqtailinikkut Havakti qanurliqaak ihumaliurniaqtuq pitquilonilu hivulliurutikhanik, ilaujut tunihinirmik pitquidjutinik pidjutikhaa munaridjutikhat inungnun inuuhinun aanniaqtailinirmun; imaalu
- C. Nunavut Avatilirinirmut Katimajiit ihuaqhajut inungnun tuhaqtidjutikhanik ihumagiplugit Baffinland Iron Mines Mary River Havaakhat Aullanikhaa 2 katimaniaqtun Mittimatalingmi Iqalungnilu akunngani Qitiqqautijuq 12, 2020 unalu Qitiqqautijuq 23, 2021 (tamna “Inungnut Tuhaqtidjutikhanik”); imaalu
- D. Atanilluaq Anniaqtailinirmun Havaktia naammagijaa Nunavunmi Avatilirinirmut Katimajiita havakpaktut ihuaqtumik maliqajakhainik aannialiqtailinirmut inungnut pittailinahaqhugit COVID-19 qalagjuanirmut;

TALVALI, Atannilluaq Inungnun Aanniaqtailinirmun Havaktia pitquijuq hapkuninga:

- 1. Inungnut Tuhaqtidjutikhat ilaulimaittut katimapkaijunut amigaitilakhainik titiraqtauhimajut uvani ilangani 7 (b) uumani *Pitquidjutimun Maliqajakhangit Inungnit Un’ngahiktilaaqarnirmik imaalu Katimapkainirmiklu (#13)* tunijauhimajut Ubluqtuhivia 11, 2021.

2. Upautihimajut taffumani nungnut Tuhaqtidjutikhanik kigliqaqtukhaujut katimaqataujut avatqulimaittut uan hanat fipti (150) inungnik atauhirmi katimavianni, ilaujut katimaqataujut havaktingitlu.
3. Tamaita inuit ilajut uvani Inungnut Tuhaqtidjutikhanik atihimajukhat ivjarutimik imaalu akuliangnut matukhamik naunaiqtauhimajut uvani ilangani 15 umani *Pitquidjutimun Maliqajakhangit Inungnit Un'ngahiktilaaqarnirmik imaalu Katimapkainirmiklu (#13)*.
4. Nunavunmi Avatilirinirmut Katimajiita atuliqtittiniaqtaat COVID-19 qalgajuarniq Kiudjutikhanut Upalungaijautikhat ubluqaqtuq Niqiliqivik 21,2020, ilaliutihimaplunilu Naunaitkutimi "A" imaalu titiraqtakhat haffuma Pitquidjutimi.
5. Tamaita aallat pivikhaqaqtut uumani *Pitquidjutimun Maliqajakhangit Inungnit Un'ngahiktilaaqarnirmik imaalu Katimapkainirmiklu (#13)* atuqtaujariaqaqtut tapkunani Inungnut Tuhaqtidjutikhat.

Una Pitquidjuti atuliqtauniaqtuq 12:01 am ET (UTC-5:00) uumani Qitiqqautijuq 12, 2021
imaalu taimaaqtauluni 11:59 pm ET (UTC-5:00) uumani Qitiqqautijuq 23, 2021.



Dr. Michael Patterson

Atannilluaq Inungnun Aanniaqtailinirmun Havakti

NAUNAITKUT "A"

**NUNAVUT AVATILIRINIRMUT KATIMAJIIT COVID-19 QALGAJUARNIKKUT
KIUDJUTIKHANUT UPALUNGAJAJAUTIKHAT**



Niqiliqivik 21, 2020

Tapkununga: Nunavunmi Avatinun Ihivriurnirnun Katimajiit Tuniqhainianut Titiraqhimajunik

Tuyuqtauyuuq qaritaujakkuurutikkut titiqqihimajuq

Talvuuna: Inungnut Katimapkaiyut Havakvikmi Aaniaqtailiniq Ihumaliurniq uuminnga COVID-19 qalagjuarnirmik unalu Aaniaqtailiniqmut Ihumaliurut

Halu Katimaqatauyut:

Qiqailruq 12, 2020mi pikmat uumannga inungnut aaniaqtailiniq ihumaaluutigiyangit piyuq uumannga COVID-19 qalagjuarnirmik aaniarutiqpiaqtuuq aadlanut inungnik katimaqatikhaungittuuq tingmiluniluuniit, Nunavut Avatilirinirmut Katimayiit (NIRB-kut Katimayiingilluuniit) nutqaqtitait katimalutik katimaniingit.

Qangannuaq aadlanguqtait Inungnut aaniaqtailiniq Maliquyait angmaqiffariami havakvinginnik, amigairyuumiqtaa qaffit inungnik ilauni katimagiami naunaipkainiqlu tingmidjutikhaq kiudjutiyuuq amigaittut tingmiyyut Nunavunmi pipkaidjutiyait Katimayiingit ihumagiffaarlugu qanuriliurutikhat katimalutik katimapkaiyukhat. Katimayiingit ihuarhiyait una ayurnaqtuuq qanuriliurutikhaq talvannga angiyumik uqaqtigiiktaat naunaiyainiqlu Katimayiinginnit ukuninnga:

- piliqtuuq nakuutqiaq piyainnik apirhuqtauniq unalu ihuarhiyit tamainni Kaanatami, hapkuatlu ihuarhiyit aadjikutariyait NIRB-kunnut;
- piqaqtuuq ayuitaminik unalu ayuitaminik huliqutiminiklu kiklinga;
- ihumaliuqutiingit Katimayiingit tikinnahuarutiminik havaamut hapkuat talvannga piyaxhangit uumani Katimayiingit naunaiyaininnga;

Piliurninngani una naunaiyainiq, Katimayiingit naunainaitkutit munarininnga hapummiutininngalu aaniaqtailininngit ilaayunut havaktilugit, Nunavummiulluakkut, ittuuq qitqani ilauqatigilugit ikayurahuqtaqhi, havaqatigiiklugit, unalu Katimayiingit ihuarhaqtait ittuuq pivallianivut naunaipkariami nutaaq naunaiyainiq uuminnga inungnut aaniaqtailiniq katimayiingit. Katimayiingit ilitariyauyut kihimi, akhuurutinga Katimayiingit qinirhiyuuq qanuqtut tunihimmaariamiknik pitqutautigiyavit havagiami tamaat tuuliirhimaikumiklu naunaiyaininngit uumanilu una aadlittuuq akhuurutaayumikllu. Tamainnut ilaayunut, Katimayiingit naunaiqtaa COVID- 19 aaniarutiqpiaqtuuq nunaryuaptikni unghahiktumullu pipkaidjutaayuuq tamainnut ihumaliurutiyunutu who katimaqatigiiplugit havaktut ikayuriamikni ihumaliuqtamiknik. Katimayiingit naunaiqtaa piqaqtillugu hakugiktumik ihariyut nakuuyumik utiffaariamikni Katimayiingit aaniarutiqpiaqtinnagu atuqtamiknik, Katimayiingit iniqtiqtait aadlangurninngit nutaatlu qanuriliuqtakhangit ihariagiyaayuuq taimaa naluyait nutqaqitrumiuk Katimayiingit katimaqatigiiktumik katimagumik utaqqigiami utiffaariamiknik katimaqatigiiklutik pilimaitait.

Hapkuninnga ihumaliuqutiingit ihumagivlugit, Katimayiingit ihumagilluqtait hapkuat aadlanguqtitaayut aippaanit ihumaliurhimayuuq havaakhaq katimalutik katimagiamikni . Unalluqaq, hapkuat aadlanguqtitaayut pipkaidjutiniaqtaa NIRB-kut pigiamiknik tamarmik atuqlugit katimalutik katimalutiklu hivayaatikkuut iniqtiriami talvannga piyaxhat naunaiyaininnginnut. Taimaa Katimayiingit ilitariyait hapkuat aadlanguqtitaayut ihariagiyyut tamaita ilaayut,

V3-Hikutirvia 4., 2020

ukuatlu Katimayiingit, angiriami nutaanik qanuriliurninnga piumalluarimaitaanik, Katimayiingit pitquyauyut, pipkaidjutiyullu aadlanguriami havaavut pigiami tikinnahuaqtaptiknik.

Tunigiami una naunaiyainiq talvannga piyakhami COVID-19 qalagjuarnirmik, Katimayiingit pihimayait pilaarutinganik aadlamut aadlangurimi ihumaliurhimayuq havaat - ihariagiyauniaqmat naunaipkariami aadlanguqtuq qanurittaakhaanik ukunatatit:

- Nutaanguqtiriniq ihuaqtumut naunaiyainiq ukunanit inungnut aaniaqtailiniq timiqutigiyauyut aadlangurninngillu inungnut aaniaqtailiniq qanuriliurutingit iliuraqhimayuq hiamitiqtailigiami COVID-19 qalagjuarnirmik;
- Iitariyauyut ihuarhaininngit kiklikhanginniklu; unalu
- Nutaanik naunaitkutut ilauyunit.

NIRB-kut ihuarhaqtait ihumarliurutinga tikidjuqiliqtuq katimakharvinga aturhutik aadlatqiinik qanuriliuritikhamik naunairiami katimalutik inungnut ilaugiami tammaqtailigiami, ilitariplugit piqaqtuq akhuurutauyuq tingmittailiniq pittailiniaqtuq katimayukhat Nunavunmiutaungittut tingmigiami Nunavunmut. Katimayiingit iniqtiqtailu aadlatqiinguyut uuminnga katimalutik ahinit katimayiingit piksasutikkut katimayut, hivayautikkut, piyanginniklu titiraqhimayut piksasutikkutlu ilauyunit nakuutqiyauyut katimagumik tamaita katimayiuyut. Katimayiingit ihumaliuqtut katimalutik katimayukhat Nunavunmi unalu katimalutik ilauyut ilauyunik pitqutigiquplugit inungnit tingmiyukhat nunavunmi tadjia ihuangittuq avaliitumut katimavikhainut uunaluuniit “katimavilluakhanga” Nunavunmiungittumi atayuq katimavikhamiknut Nunavunmi pittaaqtuq maliklugu pitquyautinga tuniyauyut ukunannga inungnut aaniaqtailiniq timiqutigiyauyut ihuaqtumut nunannginut.

INUNGNUT KATIMAPKAINIQ NAUNAIPKAINIQ MUNARINIQMUT IHUMALIURUT

Atiliuqtukhat maliktakhangit

NIRB-kut pihimaniaqtuq atiliuqtukhanut ikpat tamainnut ilaunahuaqtut itirumik katimavikmut atiliuqtukhat atinginnik hivayautingit nampanganniklu. NIRB-kuni havaktut munariyut atiliuqtukhami piqarniaqtuq ikpatimi igalaaqarluni qaniglivallaaarnaittumik katimanuaqtunit. Taimailimaitpat, NIRB-kut havaktut atuqtukhaq qin'ngarminut qanirminullu matuhimayakhaq.

NIRB-kut havaktut naunairhianiaqtut ihuaqtumik qaffiit katimaqatauyut katimavikmi naunairiami inugiakpallaarnaittumik taimaa Inungnut aaniaqtailiniq Maliquyuit qaangiutihimangittait. Itilimaittut taima qaffiuyukhat katimavikmi tikiutigumik.

Katimanahuat atiliurumik apiriyauniaqtut qalalaqigumik, aaniarumik ayurharumikluuniit anirhaagiami ahinit Nunavunmit itkumiklu taimaa 14nik ublumik. Angirumik, itipkalimaitait katimayunut. Tamna aaniarutiqaqtuq apirhuutiqarumi ihuarharumayaanik, tuniyukhaq ihumaaluutigiyangit titiraqlugu tuniyauyukhaq himmautikhamiknik.

Inugiangnirmi Ungahiktilaaqarniq

Inungnit unghahikhimavakluni 2 miitanik maliktakhauyuq tamainnut katimanahuaqtunut.

Inminut Qayangnaitkutikhat Atuqtakhat

Tadja pitquyauyut Nunavunmut ihumagiyait munarhitkunnit pihimangitait qin'ngarnut qanirnut matuhimadjutit ihariagiyaungittuq ubluq tamaat atuqtakhaminik, NIRB-kut aadjikutaamik piniaqquq. NIRB-kut piqaqpakniaqtuq atuqtakhamiknik qin'ngarnut qanirnut matuhimadjutit inungnut aturmagumitkik Inungnut Katimatillugit, kihimi atungitkaluarlugit taimaa Inungnut aaniaqtailiniq Maliquyuit aadlangurumi. Taimaa, katimatillugit, inungnit unghahikhimaimaitkumik (ukunatatit: mikkaugumi katimavikhaa, atukkiutau

Maliktaungitkumi ilaayut Inungnit 2 miitamik inungnit unгахikhimavakluni pitquyayut, hunaluuniit) qin'ngarnut qanirnut matuhimadjutit maliktakhait piyakhait ilaunahuarumik Inungnut Katimapkaiyunik.

Aturuirumitkik Algaat pihimaniaqtait talvani aaniaqtailidjutikhanut havaktullu ihariagiyaayut hanaqilirumik tuhaqtipkaidjutikhanik.

NIRB-kut tingmipkaigumagumik inungnit ilaayukhaq katimayumi, tamarmik ilaayut tuniyauniaqtut qin'ngarnut qanirnut matuhimadjutit tingminmi nunamikmut tikkuqaqtauhimagumi.

Algakit uaqpaklugit unalu Jaavaksimut halummaqtiqpaklugit

Kitkut itiqtinngit Inungnut Katimapkaiyunut, tamaita katimayut atuqtukhat algaknut halummaqtiqtaudjutimik. NIRB-kut havaktipkainiaqtuq havaktukhamik/havaktiminik tunirhaigiami algakmut jaavaksimut halummaqtiqpaklugit halummarutit tamainnut inungnut katimavikmunngaayut.

Halummarhittiarniq

NIRB-kut naunairniaqtait inungnit kahagaqtaullaqtamiknik, uqarvirutinginnut inuit tuhariamiknik aadlatlu aadlanit atuqtauyut tuhapkaidjutingit, halummaqtauyukhat aippaa uqarahuaqtinnagu aturahuaqtaanik. Halummaqtitaillu ikpatingit ikhivautangillu taimaa ilaayuq uqaqtunut unaluuniit Nunamikni Tikkuqaqtauhimayut nuutkumik Inungnit Ikhivayunit Katimayunut Uqaqatigiigiamiknut. Katimahuirumik Tuharutit/Piksassuufurit havaktingit naunairniaqtut tamaita atuqtakhaq upalungaiyarhimayuq aqagukhamut atuqtakhaanik, ukuatlu halummaqtiqlugit jaavaksirlugillu.

Katimadjutimut havaktingit apiriyauniaqtut halummaqpiqlugu katimavinga katimahuirangata.

Naunairlugu Ihuagtumik Maliktakhangit Hapkununga Inungnit unгахikhimavakluni maliktauyut

Tamarmik ilaayut Inungnut malingitkumitkut inungnit unгахikhimavakluni ihariagiyutment tuniyauniaqtuq atuhimik maliktakharaluanganik (1) ahiruqtiqtaanik, Aadlamik malingitkumiuk tamna inuk anitquyauniaqtuq katimavikmit. Uuktuutigiyayut maliktaungittunik ilaliutihimaniaqtuq hapkuninnga: inungnit unгахiktihimaitkumi takugumiuk ilaminik ilannamiknikluuniit ahinit, aturumangitkumi algakmut halummaqtiqtaudjutimik, itirumaqpiarumik naunaittumik aaniqtiqtaut. Maliktakharaluanganik ahiruqtiqtaanik ilaliutiniaqtuq atiliurniqmut qanuriliurutaanik naunaiyarumagumitku qakugu. NIRB-kut Havaktingit naunairniaqtut aturlutik kangirhinnaqtumik uqalirangata kitumiklu atuqtukhat uqalirumik uqalirumitkut maliktakharaluanganik ahiruqtiqtaanik naunairniaqtaalu uqaqtaminik kangirhipkaiyuq titiraqtiinngu aniruqtiqtaanik.

Hilataanit Kaantraktut

NIRB-kut Tuhaqtipkaiyut / Tuhaqnaqtitaayut havaktingit Apirhuivikmilu Uqaqtiyut havaktitauniaqtut hilaataanit havakvikmik ahinit Nunavut Kavamatkut Tingmidjutigiinaqtamiknik. NIRB-kut qinirhianiaqtut ihuarhigiamikni hapkuat hilataanit kaantraktut ihariagiyaayumik havaktukhat piqanginmat havaktukhanik havagiamikni ihariagiyaayut havaakhat Nunavunmi. Imaatut ittuq ihariagiyauniaqtuq aniyukhaungittut hiniktarvikmini havaguirumi, atuqtaukhaq qin'ngarminut qanirminullu matuvikhamik igittaaqtuniklu algaaknik, utiqtukhat hiniktarviminut havaguirumi ilauqautaungittukhaq Inungnut katimahuirumik. Taimaa piqangittut COVID-19 qalagjuarnirmik uuktuutigiyayut ihariagiyaungittut ihariagiyaayunut havaanut Nunavut Kavamaup munarhitkut Maliquyait, NIRB-kut pitquniaqtait tamaita hilataanit kaantraktut tuniyukhaq naunaittuq uuminnga aaniaqtuqangittuq COVID-19 qalagjuarnirmik uuktuutigiyayut Nunavunmungautinnagu.

Inungnut aaniaqtailiniq Munarhitkullu

NIRB-kut naunaipkarniaqtait munarhitkiut ukuatluuniit munarhitkut ittut Inungnut Katimapkaiyut ihuarhaqhimayutq pitinnagu taimaa ilihimayut inugiaktumik katimayut. NIRB-kut qaitquniaqtait ilayut uumannga Inungnut aaniaqtailiniq Havakvinga Munarhitkutluuniit uqariamiknik angmaqitirutinganik katimatinnagit tamainni Nunavunmi katimavigilluangani. Uqaqyauniaqtuq ukuninnga inungnit unghahikhimavakluni qanuqtutlu ilauqatigiami katimavigiyayuni aadlanut ilayut inungnit naunairiami aaniaqtailiyut inungnut tamaita. NIRB-kut tuniniaqtut tamaita COVID-19 qalagjuarnirmik qanuriliurutikhanut piyakhamik qanuriliurutikhallu inungnut aaniaqtailigiami ukununnga Inungnut Aaniaqtailiniq Munarhitkullu.

Oajagijarniq

NIRB-kut havaktittumangittuq ahinit inungnik munariyukhamik, una nakuungittumik ihumagiyayuyuk ihuaqtumik katimavik. NIRB-kut uukturniaqtut havaktiliriami aadlanik katimavigiyangani nunallaani ikayuriamik katimavigiyakhangani atiliuqtut, halummaqtiqukut jaavaksilugulu katimavinga, ilitarilugit inuit iglumiuaqtigiyangitaanik malingitait inungnit unghahikhimayukhat maligaaq. Inuit malingittut maliganut qanuriliurutikhat ittut aniqyauniaqtut katimavikmit qaiffaaquilugillu. Una ilaliutiyuq nunamiknit tikkuqaqtayut.

Inuit naunaittut aaniaqtut (talvuuna, aaniarutiqaqtuq COVID-19 qalagjuarnirmik) aniqyauniaqtuq. NIRB-kut piliurniaqtuq COVID-19 qalagjuarnirmik ihuaqtuq maliktakhangit qanuriliurutikhallu aniqyauyuyuk piyullu titiqqanik naunaittumik ihuaqtumiklu.

Taiguqtakhangit titiraqhimayut

NIRB-kut nivinganiaqtut taja Taiguqtakhangit unalu Taiguqtakhangit titiraqhimayut Nunavut Kavamanganit uumanngalu Kaanatap Kavamanganit tamainni katimavigiyakhangani. Una ilaliutiniaqtuq nivingayut taiguqtakhangit uumani inungnit unghahikhimavakluni, algakminik uaqtukhat, Nunavut Kavamanga COVID-19 qalagjuarnirmik qilamiuqtuqaliqqat hivayautaa aadlatlu taiguqtakhat titiraqhimayut Qablunaatitut Inuktitutlu. Tamaita aaniaqtailinirmut qanuriliurutingit titiraqhimaniaqtut uumani katimavigiyakhangani takunnaqtumi iliuraqhimalugit.

Tuhaqtipkaijiit

Tamaita aaniaqtailinirmut qanuriliurutikhat naunaittumik uqaqtauniaqtut Katimanahuaqtunut katimaliqtinnagit ukunuuna titiraqhimayut, qaritauyakkut titiraqhimayut inungnullu naunaipkaidjutikkut. Tamaita pitqyayuyuk uumannga Uqaqtiulluaqtuq Kaanatamiutanut, Aaniarvikmi Havaktunut, Timiqtauyunut, Inungnullu Nunavunmi akhuraaluk maliktauyukhat una uqaqtauniaqtut katimayunut.

Inutquanut Aaquanut Aaniaqtaalaqihimayunullu Aaniaqqtunullu

NIRB-kut naunairniaqtait qayangnautinga ilaugumik inugiaktumik katimayunut aaniaqtaalaqihimayunut katimaliqtinnagit. Tukiliurutinga “Inutquanut Aaquanut Aaniaqtaalaqihimayunullu Aaniaqqtunullu” naunairhimayuk Nunavut Kavamatkunnit hamma:

- Inutquat aaquat (ukiulgit 65 avatqumayulluuniit)
- Hivulliqpaami aaniaqtuqaqtut (ukunatitut uumalluktut, aukminit tigliqtaqpallaaqtut, aukmini sukaqaqpallaaqtut, anirnirliqhimayut, kaansaqaqtut)
- Timikmini aaniaqtailiqutigiyut aanirutimi mamihaidjutimilluuniit (ukunatitut havaqutigiqpiaqtuq mamihaidjut kaansaqaqtunut)

NIRB-kut pittailimaitait nunamiknit tikkuqaqtauhimayut piqarumi tahapkuninnga aaniarutinik. Una maliktakharaluanganik ahiruqtiqtaanik naunaipkariami inuit qayangnautigiyayuyuk katimagiamikni.

Natinga Naunaitkutikhanga

NIRB-kut iliuraqniaqtait ihuarhainnnga katimavikhangani ukuatlu atauhiinnarmut hukkut pihukvikhanga unalu inungnit unghahikhimavakluni ikhivayukhat.

Niripkaiyukhat

Kaapituqtilimaittut tiituqtilimaittut inungnut katimapkaitilugit, una inugiaktipkaidjutikmat amihunik inuit katimayut mikivallaaqtumi katimakmata, taimaa kaapiqarvingit tiiqarvingillu amihunit inungnit kahagaqtauvakmata. Puuqtuihimayut niriyaqhat tuniyauniaqtut Nunallaani Tikkuqaqtauhimayunut piumamayamiknik inmikkut puurhimayut imaqtuutikhanginnik unaluuniit inmikkut puurhimayuuq juusiturumagumik.

Maligait Havauhiillu

Qanuriliurutinganit Tukimuaqtittiyyiimit Katimayiinginnilluuniit, katimaninnga nutqaqtitaunginnarialik hapkuninnga qanurittaakhaanik:

- COVID-19 qalagjuarnirmik naunaqtauyuuq nunavunmimi
- Uqaqtiulluaqtuq Kaanatamitanun, Aaniarvikmi Havaktunut, Timiqutaayunut, Inungnullu Nunavunmi tuniniaqtuq maliktakhamik umigiama tamaita Inungnut Katimapkaininngit
- City-nga Haamlangaluniit tuniyayuuq qanuriliuqtukhat umigiama tamaita Inungnut Katimapkaiyut

Katimadjutinga nutqaqtitaupat, tamaita ilaayut naunaipkarniaqtut utiqtukhat hiniktavikminut qilamiuqlutik utaqqilutiklu naunaipkaidjutimik Facebook-kut, Naalautikkut hivayaqtaugumiluuniit tamainnut nunallaani tikkuqaqtauhimayut.

Aadla maligaq piliuqtauniaqtuq uumunnga NIRB-kut havaktingit piqaqtuq COVID-19 qalagjuarnirmik katimayunit. Una ilaliutiniaqtuq aturumi qin'ngaqtum qanirmut matuvikhamik igiinarialgitlu algaak uqarahuaqtinnatit taafumunnga inungmut, titiraqlugu qanuriliurutinga naunaipkarlugillu aadlat talvani havaktingit aaniarutiliqarnimut.

Katimayuuq aaniarurumi anigumagumi Katimatillugit, humaangittuuq amigaitkumi huli katimayut nutqalimaittut.

NAITTUUQ UUMINNGA AKHUURUTAUYUT UBLUNGIT

Katimahuilirumik, hapkuat naittut akhuurutaayut tikidjuqiliqtut qayagiyayut inungnut katimapkaidjutikhat aadlatqinik naunaiyainiqmut pilaqutigiyayullu nunallaat:

Ublua	Nunallaami	Huuq miitirahuat
Niqiliqivik 20, 2020	Iqaluktutiak	Ukiuraaluk munariniq naunipkainiq Doris North-mut, Hope Bay Phase 2 uumanilu Back River
Niqiliqivik 24 - 25, 2020	Mittimatalik	Ukiuumun munarijuq nutaanguqtidjutait unalu Tariuqmi Katimadjutikhaq Mary River-mut
Niqiliqivik 24 - 25, 2020	Kangiqliniq	Ukiumi munariniqmut naunaipkainiq uumunnga Meliadine

Niqiliqivik 27 - 28, 2020	Qamanittuaq	Ukiumi munariniqmut naunaipkainiq uumunnga Meadowbank uumunnga Whale Tail
Apitilirvik 28-mit Tattiarnaqtuq 2, 2020-mut	Mittimatalik Ukununnga ilaayunut hapkuuna uqaqtunik/ piksassuutikkut ukununnga Iqaluit, Ottawa unalu Winnipeg	Nunallaani Katimayunut Uqaqtigiigiamiknut unalu Katimayut Hivayautikkut Katimayukhat uumunnga Mary Riverp Ilagiyanga 2 Havauhikhamut Tukhiutimik
Hikutirvia 23 – 26, 2020	Kangiqliniq	Havauhikhamut Ayuittiaqtut Katimanahuat, Community Katimayunut Uqaqtigiigiamiknut Katimayut Hivayautikkut Katimayukhat uumunnga Meliadine-kut Tariuq Iqqakunga Uyarakhiurvinga Ikhinnaqtauniaqtuq Umiklugulu Havauhikhaq Tukhiutimik

NIRB-kut quyagiyait tamaita ilaayut akhuurhimmaaqtumik ilaayut NIRB-kut havaanganut. Apirhuutiqaruvit ihariagiguvilluuniit aadlamik naunaiyaidjutikhamik uumuuna COVID-19 qalagjuarnirmik qanuriliurutaayut aadlani inungnut katimapkainirmi, uqaqtigilugu NIRB-kut Tukimuaqtittinga, Maniliqiyii Titiqqiqiyimullu: Mark Ings uumani (867) 983-4602 qaritauyakkut titirarluguluuniit mings@nirb.ca.



Pittiarnikkut,

Karen Costello

Tiliuqti

Nunavunmi Avatinun Ihivriurnirnun Katimajiit